

不知地方之害非無滅賊之心然而莫肯以剿賊爲已任者蓋亦畏其難耳况遠得於傳聞者恒失其實旁觀於閒暇者每易其言不以爲邀功生事則以爲勞師費財人亦何苦冒地方之利害而招已身之艱危乎積習有年稔亂斯極其獨力任事之難如此

獻巡撫陳克宅書

田汝成

凱口餘孽復肆猖狂竊料今日賊勢與昔殊科攻伐之策亦當異應往者一二梟獍負其窟穴草竊爲姦者皆內儲樞構外翼黨與包藏十有餘年迺敢陸梁以延歲月今者諸賊以亡命之餘憂在溝